

**ZAKON**  
**O IZMJENAMA I DOPUNAMA ZAKONA O PRAVOBRANILAŠTVU BRČKO**  
**DISTRIKTA BOSNE I HERCEGOVINE**

**Član 1**

U Zakonu o Pravobranilaštvu Brčko distrikta Bosne i Hercegovine ("Službeni glasnik Brčko distrikta BiH", broj: 28/06), član 7 mijenja se i glasi:

"

- (1) Pravobranilaštvo obavlja poslove pravne zaštite javne imovine, imovinskih prava i imovinskih interesa Distrikta, njegovih organa, institucija i pravnih lica koja se finansiraju u potpunosti ili pretežno iz budžeta Distrikta ili u odnosu na njih Distrikt vrši osnivačka prava, i u postupcima pred sudovima i drugim nadležnim organima preuzima zakonom određene postupke i mjere za zaštitu javne imovine, imovinskih prava i imovinskih interesa Distrikta.
- (2) Pravobranilaštvo obavlja poslove iz stava 1 ovog člana i u odnosu na preduzeća u većinskom vlasništvu Distrikta osim u predmetina radi naplate potraživanja za utrošenu struju, vodu, odvoz smeća (i druge komunalije i usluge) ukoliko ovi iznosi ne prelaze limit propisan u članu 15 stavu 3 ovog zakona kao i u drugim predmetima čija je vrijednost ispod limita propisanog u članu 15 stavu 3 ovog zakona.
- (3) Ako Pravobranilaštvo treba da po ovom zakonu zastupa stranke čiji su interesi u suprotnosti, a jedna od njih je Distrikt, Pravobranilaštvo zastupa Distrikt.
- (4) U slučaju da Pravobranilaštvo treba po zakonu da zastupa stranke čiji su interesi u suprotnosti, a ni jedna od tih stranaka nije Distrikt, Pravobranilaštvo neće zastupati te stranke.
- (5) Pri obavljanju poslova iz stava 1 ovog člana Pravobranilaštvo može pokretati i postupke protiv Distrikta te u tom slučaju ima svojstvo stranke u postupku.
- (6) Pravobranilaštvo prati i proučava stanje i probleme iz svoje nadležnosti i obavještava nadležne institucije i predlaže mjere za sprečavanje društveno štetnih pojava. "

**Član 2**

Član 11 mijenja se i glasi:

"

- (1) Pravobranilaštvo ima pravo na naknadu troškova postupka u skladu s važećim advokatskim tarifama. U slučaju da tarife nisu ujednačene, Pravobranilaštvo će obračunavati i potraživati iznos koji predstavlja aritmetički prosjek dvije tarife.
- (2) Naknada iz stava 1 ovog člana predstavlja budžetske prihode Distrikta."

### **Član 3**

U članu 12 stavu 1, brišu se riječi "drugi organi i institucije Distrikta, javne službe iz člana 7 ovog zakona, kao i javna preduzeća u kojima Distrikt ima većinsko vlasništvo" i zamjenjuju riječima: "drugi subjekti iz člana 7 ovog zakona".

### **Član 4**

U članu 13 stavu 1, brišu se riječi "drugi organi i institucije Distrikta, javne službe iz člana 7 ovog zakona, kao i javna preduzeća u kojima Distrikt ima većinsko vlasništvo" i zamjenjuju riječima: "drugi subjekti iz člana 7 ovog zakona".

### **Član 5**

U članu 22 stav 4, mijenja se i glasi:

"Pravobranilac i zamjenici ne mogu biti članovi političkih stranaka ili na bilo koji način biti uključeni u neku političku aktivnost a posebno ne mogu biti članovi ili obavljati bilo koju dužnost u tijelima političkih partija, udruženja ili fondacija povezanih s političkim partijama, niti mogu učestvovati u javnim aktivnostima političke partije."

### **Član 6**

Član 25 mijenja se i glasi:

"

- (1) Pravobranilac i zamjenici pojedinačno podnose na uvid Skupštini Distrikta godišnji finansijski izvještaj o svojim ukupnim prihodima, izvorima, imovini i dugovanjima kao i o prihodima, izvorima, imovini i dugovanjima bliskih članova porodice do 1. stepena srodstva te o njihovim načinima sticanja.
- (2) Finansijski izvještaji se smatraju javnim dokumentima i Skupština ih daje javnosti na uvid.
- (3) Zakonima Distrikta detaljnije se reguliše obrazac i sadržaj finansijskog izvještaja. "

### **Član 7**

U članu 73 stav 2 mijenja se i glasi:

"(2) Sekretar se imenuje na period od 4 godine i može biti ponovno imenovan. "

### **Član 8**

Stav 3 člana 74 se briše.

### **Član 9**

Stav 4 člana 74 se briše.

### **Član 10**

Stav 2 člana 75 se briše.

### **Član 11**

Stav 3 člana 75 se briše.

### **Član 12**

Iza člana 75, dodaje se novi član 75a koji glasi:

"Član 75.a

Komisija raspisuje konkurs, imenuje i razrješava sekretara, stručne saradnike, pripravnike i administrativno osoblje Pravobranilaštva."

### **Član 13**

Ovaj zakon stupa na snagu 8. (osmog) dana od dana objavljivanja u "Službenom glasniku Brčko distrikta BiH".